

CM MSME

मुख्यमंत्री उमर अब्दुल्ला होंरें आखेआ ऐ जे जम्मू-कश्मीर च औद्योगिक विकास दे राहें नौजवानें लेई कम्म-रोजगार दे मौके पैदा करने दे कन्नो-कन्नी नौजवानें ते कारीगरें लेई टिकाउ विकास बी जकीनी बनाया जाना लोड़चदा ऐ। उमर होंरें बंद होने दी कगार पर पुज्जी गेदे भलेआं लौहके, लौहके ते दरम्याने दर्जे दे उद्यमें च बेल्ले सिर जान भरने दी जरूरतै पर जोर पाया। उद्योग ते बपार मैहकमे दे कम्मैकाजै दा जायजा लेंदे होई मुख्यमंत्री होंरें औद्योगिक एस्टेट आहली परियोजाएं दी रफ्तार बधाने ते बपार-कारोबार दे तौर-तरीकें गी सखल्ला बनाने दी बी गुजारिश कीती। एहदे अलावा उ'नें दस्तकारी उत्पादें लेई जीआई प्रमाणन गी बल देने लेई बी आखेआ। बैठक दरान एह जानकारी बी दिती गेई जे रास-पूंजी च बाददा होआ करदा ऐ जेहदे चलदे 5 जहार शा मते कम्म-रोजगार दे मौके बी पैदा होए न। एहदे अलावा प्रदेश च स्टार्ट-अप्स ते दस्तकारी उत्पादें दे निर्यात च बी बाददा होआ करदा ऐ ते एहदी बदौलत जम्मू-कश्मीर दे औद्योगिक तंत्र ते आर्थिक विकास गी बल मिला करदा ऐ।



Udhampur –Doda Encounter

जम्मू संभाग च कल संजा डोडा ते उधमपुर जिले दे बन्ने पर सुरक्षाबलें ते आतंकवादियें बशकार टाकरा भखी पेया। खूफिया जानकारी दे आधार पर वाईट नाईट कोर दे चौकस जवानें कल्ल संजा तकरीबन 8 बजे आतंकवादियें दा पता लाया।

कारवाई दौरान दपक्खें दा गोलीबारी होई। वाईट नाईट कोर नै “X” पर पोस्ट च दस्सेया जे कारवाई ऐल्लै चला करदी ऐ। टाकरे आहली थाहरा दी बी तस्दीक कीती गई ऐ।

<><><><><><>

(Add) Doda Udh Encounter

आकाशवाणी समाचार कन्नै गल्ल करदे होई रक्षा मंत्रालय जम्मू दे जन-सम्पर्क अधिकारी ते प्रवक्ता लेफ्टिनेंट कर्नल सुनील बरतवाल होरें इस गल्लै दी तसदीक कीती ऐ जे टाक्करा, डोडा ते उधमपुर जिले दे इक-दुए कन्नै लगदे बन्ने आहले इलाके च होआ'रदा ऐ। तोआई फौज नै आखेआ ऐ जे उ'नें पुंछ च जम्मू-कश्मीर पुलस कन्नै रलियै चलाए गेदे इक सांझे तपाशी अभियान दरान थेहार ते गोला-बरूद बरामद कीता ऐ। इंदे च ए.के. श्रृंखला दा इक थेहार, ए.के. दियां 4 मैगज़ीनां, 20 हत्थगोले ते होर दुआ जंगी समेयान शामिल ऐ। सोशल मीडिया दी इक पोस्ट च फौज दी व्हाईट नाईट कोर नै इस बारे जानकारी दिंदे होई आखेआ ऐ जे फौज दा तपाशी अभियान जारी ऐ।

<><><><><><>

Sewa Parv

मुख्य भरै च मनाएं जा करदे सेवा पर्व तैहत अज्ज अस तुसेंगी दस्सगे जे मोदी सरकार सभने लेई किफायती बीमा कवरेज दा विस्तार करियै कियां जनसेवा ते खरें शासन गी लेइयै लगातार-अपने धेइयै पर चला करदी ऐ। 2015 च शुरु कीती गेदी जन सुरक्षा योजना-प्रधानमंत्री जीवन ज्योति बीमा योजना ते प्रधानमंत्री सुरक्षा बीमा ज्नेइयां योजना घट्टोघट्ट प्रीमियम पर जीवन ते दुर्घटना बीमा प्रदान करदियां न।

एदे इलावा प्रधानमंत्री जन आरोग्य योजना इक्क परोआर पर सालाना 5 लक्ख रपे दा सेहत बीमा उपलब्ध करांदी ऐ। इने योजनाएं दा मकसद कमजोर नागरिकें गी जीवन च अनिश्चिता कोला बचाना ऐ.....

<><><><><><>

Prog Announcement

आकाशवाणी जम्मू दा क्षेत्रीय समाचार एकांश मुख्य भरै च मनाए जा'रदे सेवा पर्व-2025 दे सरबंधे च कुल 8 कार्यक्रमें दी बशेश श्रृंखला प्रसारत करा'रदा ऐ जेहदे तैहत अज्ज 30एं मिनटें दा इक कार्यक्रम पेश कीता जा'रदा ऐ जेहदा विशे ऐ "खेड्डां" जम्मू-कश्मीर दी नमीं पंछान"। एह बशेश प्रसारण अज्ज 20 सितम्बर गी दपैहरी 12:30 बजे कीता जाहग। एहदे च साढ़ियां खास परौहिनियां होडन श्रीमति अनुराधा गुप्ता, जेड़ियां जम्मू-कश्मीर दे युवा सेवाएं ते खेड्डें सरबंधी विभाग दियां महानिदेशक न। इस कार्यक्रम दा संचालन करडन साढ़े न्यूज एंकर आलम खान ते में विजय बजाज। इस पूरी परिचर्चा गी तुस मिडियम वैव 303 मीटर यानि 990 किलोहर्टस ते एफ.एम 100.3 मैगाहार्टस उप्पर अज्ज दपैहरी साड्डे 12 शा बी सुनी सकदे ओ।

<><><><><><>

Dy. CM Highway

उपमुखमंत्री सुरेन्द्र चौधरी होरें जम्मू-श्रीनगर राष्ट्रीय जरनैली सिडक पर उधमपुर दे थड़ दा दौरा लाया ते प्रभावित होई दी सिडका गी ब्हाल करने दे कम्में दा जायजा लैता। NHAI दे इलाकाई अधिकारी आर.एस. यादव होरें उनेंगी जरनैली सिडका दे दूए पाससै आले हिस्से गी ब्हाल करने ते सिडका गी चैड़ा करने समेत, कम्में दी प्रगति बारे दस्सेया।

उपमुख्यमंत्री होरें अधिकारियें गी कम्म तेज करने, होर मते आदमी ते मशीनां लाने ते दंड शिफ्टें च कम्म करने दे निर्देश दिते तां जे कम्म बेल्लै सिर पूरा होई सकै। इस मौके पर मीडिया कर्मियें कन्नै गल्ल करदे होई उपमुख्यमंत्री होरें आखेया

<><><><><><>

Northern Railways

जम्मू डिविजन च होई दियें भारी बरखें ते पानी भरोची जाने कन्नै प्रभावित होई दी रेल सेवा कल परतिया ब्हाल होई जाग। सुरक्षा दा मुआयना करने मगरा ते चरणबद्ध तरीके कन्नै सेवा गी ब्हाल करदे होई उत्तरी रेलवे नै घोषणा कीती ऐ जे जम्मू-तवि-वाराणसी, जम्मू-तवि -हावड़ा ते जम्मू-तवि-पटना रेलगड्डी परतियै चलना शुरु करी देग। तोंआई श्री माता वैष्णो देवी कटरा, डाक्टर अम्बेडकर नगर रेलगड्डी संगारें ब्हाल होई जाग। सीनियर मंडल कारोबारी प्रबंधक उचित सिंघल होरें इस गल्ला दी तस्दीक कीती ऐ जे क्रमवार ढंगै कन्नै सेवा गी आम चाल्ली दा बनाया जा करदा ऐ, कीजे पुले ते पटरी पर चला करदा तकनीकी कम्म तकरीबन पूरा होने आहला ऐ। यात्रियें गी सलाह दिती गेई ऐ जे ओह यात्रा करने कोला पैहले उत्तरी रेलवे दी वेबसाईट जां हैल्पलाईन नम्बर पर ताजा जानकारी हासल करी लैन।

<><><><><><>

JKBOSE

जम्मू-कश्मीर स्कूली शिक्षा बोर्ड नै 10मीं ते 11मां क्लास दे अगड़े पाई दिते गेदे इम्तेहानें दी नमीं तरीकें दी घोषणा करी दिती ऐ।

ताजा अधिसूचना मुताबक 11मीं क्लास दा इम्तेहान हून 25 सितम्बर-वीरवारें होग ते 10मीं दा इम्तेहान हून 26 सितम्बर-शुक्रवारें होग। एह इम्तेहान पैहले 10 सितम्बर गी होने हे उयां नैई टाले जाई सकने आहले हालात करियै-इनेगीं स्थगित करी दिता गया हा। इम्तेहान दा समा ते थाहर उयै रौहग- जेड़ा पैहली अधिसूचना च दस्सेया गेदा हा। विद्यार्थी बोर्ड दी वैबसाईट www.jkbose.nic.in पर जाइयै ताजा जानकारी हासल करी सकदे न।

<><><><><><>

GST Reforms

समूलचे जम्मू-कश्मीर च बसनीकें अगली पीढ़ी सरबंधी GST सुधारें तैहत GST दरें च कीती गेदी कटौती दा सोआगत कीता ऐ ते अइसी आम आदमी लेई इक्क बड्डी राहत दसेया ऐ। सरकार नै घरेलू इलैक्ट्रानिक समेयान पर लग्गने आहले GST पर कटौती कीती ऐ। एयर कंडीशनरें-डिशवाशरें-टेलीविजनें ते मॉनीटरें पर टैक्स दी दर गी 28 फीसदी सवां घटाइयै 18 फीसदी करी दिता ऐ। एदा मकसद मंग च बाद्दा करना-मुकामी उत्पादकें दी सहायता करना ते आयात च निर्भरता गी घट्ट करना ऐ। लोकें इनें सुधारें दा सोआगत कीता ऐ ते एदे कन्नै एह समेयान होर किफायती होग। इस फैसले कन्नै MSME गी लाह पुज्जने दी मेद ऐ। नमीं GST दरां संगारें सवां लागू होई जागंन।

<><><><><><>

Cricket

मर्दे दे एशिया कप टी-20 क्रिकेट टूर्नामेंट च कल रातीं अबुधाबी च खेड्डे गेदे ग्रुप-ए दे मुकाबले च भारत नै ओमान गी 21एं द्रौड़ें कन्नै हराई दिता।

इस मैच च भारत दे तेज गेंदबाज़ अर्शदीप सिंह होंरें इक अहम उपलब्धि हासल करदे होई
टी-20 अंतर्राष्ट्री मैचें च 100 विकटां हासल करने दा रिकार्ड अपने नांs कीता। इस जित दे
कन्नै भारत टीम ग्रुप-ए च सबनें शा उप्पर रौंहदे होई सुपर-4 च दाखल होई गई ऐ। तोआई
सुपर-4 दे अज्ज दुबई च खेइंटे जाने आहले पैहले मैच च श्रीलंका दा मुकाबला बंग्लादेश
कन्नै होग।

<><><><><><><>